

mr.sci AMIR ZUKIĆ

zastupnik u Predstavničkom domu Parlamenta Federacije BiH

OMER ŠKALJO,

Zastupnik u Predstavničkom domu Parlamenta Federacije BiH

PARLAMENT FEDERACIJE BOSNE I HERCEGOVINE

PREDSTAVNIČKI DOM

n/r gosp. Edin Mušić, predsjedavajući

DOM NARODA

n/r gđa. Lidija Bradara, predsjedavajuća

Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI - ZASTUPNIČKI DOM
SARAJEVO

12-04-2019

| PRIMLJENO: | | | | |
|----------------|---------------|---------------|------------|---------|
| Broj predloška | Klasif. grupa | Broj i godina | Vrijednost | Priloga |
| 01- | 02- | 855 | /16 | |

U skladu sa članom 172. Poslovnika Predstavničkog doma Parlamenta Federacije Bosne i Hercegovine /"Službene novine Federacije BiH", broj 69/07 i 1/08/ i člana 164. Poslovnika o radu Doma naroda Parlamenta Federacije Bosne i Hercegovine /"Službene novine Federacije BiH", br. 27/03 i 21/09/, radi razmataranja i usvajanja po skraćenom postupku, podnosimo Prijedlog Zakona o izmjenama i dopunama Zakona o igrama na sreću i Prijedlog Zakona o izmjenama i dopunama Zakona o porezu na dohodak.

1, mr.sci. Amir Zukić

2. Omer Škaljo

ZAKON O IZMJENAMA I DOPUNAMA ZAKONA O POREZU NA DOHODAK

Sarajevo, april 2016. godine

Zakon o izmjenama i dopunama Zakona o porezu na dohodak

Član 1.

U Zakonu o porezu na dohodak („Službene novine Federacije BiH“, broj: 10/08, 9/10, 44/11, 7/13 i 65/1) član 23. mijenja se i glasi:

„Član 23.

- (1) Dohodak od nagradnih igara, igara na sreću i klađenja čini vrijednost svake pojedinačne nagrade ili dobitka ostvarenog učešćem u nagradnim igrama, igrama na sreću i klađenju koji je dobitniku isplaćen u novcu, proizvodu/ima, uslugama i/ili u pravima, osim nagrada i dobitaka iz člana 5. stav (1) tačka 10) i člana 6. stav (1) tačka 14) ovog zakona.
- (2) Osnovicu za obračun poreza na dobitke iz stava (1) ovog člana, čini svaki pojedinačno ostvareni dobitak.
- (3) Osnovicu za obračun poreza na dobitke ostvarene učešćem u nagradnim igrama iz člana 5. stav (1) tačka 10) i člana 6. stav (1) tačka 14) ovog zakona je pojedinačna vrijednost veća od 500,00 KM.
- (4) Ako se dobitci sastoje od stvari, usluga i/ili prava, osnovicu poreza čini tržišna vrijednost stvari, usluga i/ili prava u momentu ostvarenja dobitka.
- (5) Kod utvrđivanja dohotka iz stava (1) ovog člana, rashodi se ne odbijaju.
- (6) Na dobitke od igara na sreću iz člana 1. ovog zakona pojedinačne vrijednosti od 100,00 KM porez na dohodak se obračunava i naplaćuje od igrača prilikom isplate dobitaka, a uplata poreza u korist Fonda PIO FBiH se vrši u roku od 5 dana po isteku sedmice u kojoj je isplata izvršena i to prema sjedištu općine u kojoj se nalazi uplatno mjesto priređivača igara.“

Član 2.

Ovaj zakon stupa na snagu narednog dana od dana objavljivanja u „Službenim novinama Federacije BiH“.

Obrazloženje

Prema važećim odredbama člana 23. Zakona o porezu na dohodak dobitci od igara i klađenja do 100,00 KM nisu oporezovani porezom na dohodak, što znači da su i sami dobitci od igara na sreću i klađenja različito oporezovani jer se na dobitke preko 100,00 KM plaća porez na dohodak po stopi od 10%. Takođe prema tvrdnji Porezne uprave postoji osnovana sumnja da se i dobitci preko 100,00 KM dijele na više listića i na taj način izbjegava plaćanje poreza na dohodak. U 2015. godini po osnovu dobitaka do 100,00 KM je isplaćen iznos od 444,2 miliona KM po osnovu dobitaka do 100,00 KM što znači da je Federacija propustila da naplati 44,4 miliona maraka poreza. Takođe samo 2016. godini prema podacima kojima raspolažemo u prva tri mjeseca ove godine isplaćeni dobitci do 100,00 KM bez poreza iznose preko 264 miliona maraka pa je jednostavno izračunati da prihvatanje izmjene zakona znači da bi se u Budžet Fonda PIO samo za ova tri mjeseca uplatilo preko 26 miliona maraka, a što bi na godišnjem nivou prema trendu iz prva tri mjeseca iznosilo preko 105 miliona maraka (26/3X12).

Iz naprijed navedenog se jasno može zaključiti da bi izmjena zakona u pravcu u kojem se predlaže doprinijela povećanju poreznih osnovica, sprečavanje zloupotreba u isplati, dobiti će biti jednako oporezovani i povećanje prihoda u Fond PIO na godišnjem nivou od preko 100,00 maraka.

Iz naprijed navedenih razloga a imajući u vidu koje i negativne posljedice za društvo u cjelini imaju kladionice smatram potpuno opravdanim da se predložene izmjene zakona prihvate po hitnom postupku.